

3080

Javna ustanova Terapijska zajednica - Kampus Kantona Sarajevo




Public Institution Therapeutic Community - Kampus of Canton Sarajevo

Broj 31-01-30-5-898/26

Sarajevo, 23.07.2026. godine

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**



SKUPŠTINA KANTONA SARAJEVO

n/r Davor Čičić

Predsjednik Kluba zastupnika SDP BiH
u Skupštini Kantona Sarajevo

Predmet: Odgovor na zastupnička pitanja od 02.07.2026. godine

Poštovani,

Postupajući po zastupničkim pitanjima dostavljenim dana 02.07.2026. godine, a koja se odnose na realizovane investicije, sanacije, rekonstrukcije i nabavku opreme u Javnoj ustanovi Terapijska zajednica – Kampus Kantona Sarajevo u periodu od 2022. do 2026. godine, kao i na planirane investicione aktivnosti za 2027. godinu, dostavljam sljedeće informacije.

JU Terapijska zajednica – Kampus Kantona Sarajevo je u proteklom periodu kontinuirano provodila aktivnosti usmjerene na unapređenje materijalno-tehničkih uslova rada, modernizaciju objekata i opreme, povećanje sigurnosti korisnika i zaposlenika, te stvaranje kvalitetnijeg ambijenta za provođenje rehabilitacijskih, terapijskih i resocijalizacijskih programa. Sve realizovane aktivnosti provedene su u skladu sa odobrenim finansijskim planovima, Zakonom o javnim nabavkama Bosne i Hercegovine i drugim važećim propisima.

1. Informacija o novim investicijama, sanacijama, rekonstrukcijama i nabavkama opreme realizovanim u periodu 2022–2026. godine

U periodu od 2022. do 2026. godine realizovan je značajan broj investicionih projekata i nabavki kojima su unaprijeđeni infrastrukturni kapaciteti Ustanove, povećana funkcionalnost objekata i stvoreni kvalitetniji uslovi za rad zaposlenika i boravak korisnika.

Realizovane su sljedeće investicije i nabavke:

Redni broj	Opis nabavke / investicije	Vrijednost (KM)
------------	----------------------------	-----------------

1.	Nabavka računara i računarske opreme	25.773,60
----	--------------------------------------	-----------

*
*

*
*

*
*

Javna ustanova Terapijska zajednica - Kampus Kantona Sarajevo



Public Institution Therapeutic Community - Kampus of Canton Sarajevo

2.	Nabavka šumskog mobilijara	4.800,00
3.	Nabavka kućanskih aparata	7.445,00
4.	Nabavka kuhinjskog inventara	19.866,04
5.	Nabavka strojeva, uređaja i alata	12.345,00
6.	Nabavka elektronske opreme	8.666,94
7.	Nabavka namještaja	20.968,42
8.	Nabavka pumpe za vodu	3.135,60
9.	Nabavka klima uređaja	13.939,80
10.	Nabavka foto-opreme	2.950,00
11.	Nabavka PVC vrata i prozora	2.810,00
12.	Nabavka fitness opreme	10.345,00
13.	Nabavka vozila za potrebe prijevoza korisnika	39.500,00
14.	Nabavka kopir-aparata	7.000,00
15.	Nabavka drvenih stolova i klupa	6.950,00
16.	Nabavka minusne hladnjače	18.100,00
17.	Djelomična rekonstrukcija kupatila	67.275,00
18.	Nabavka montažne garaže	6.988,41

Navedene investicije omogućile su modernizaciju tehničke opremljenosti Ustanove, poboljšanje higijensko-sanitarnih uslova, povećanje energetske efikasnosti pojedinih objekata, unapređenje sistema ishrane, održavanja i logističke podrške, kao i kvalitetnije provođenje rehabilitacijskih aktivnosti sa korisnicima.

2. Informacija o investicijama i nabavkama finansiranim sredstvima drugih nivoa vlasti u periodu 2022–2026. godine

Pored sredstava planiranih u Budžetu Kantona Sarajevo i vlastitih prihoda Ustanove, određene investicije realizovane su zahvaljujući finansijskoj podršci drugih nivoa vlasti.

Na ovaj način dodatno su unaprijeđeni kapaciteti Ustanove bez dodatnog opterećenja budžetskih sredstava Kantona Sarajevo.

Realizovane su sljedeće investicije:

Redni broj	Opis nabavke / investicije	Izvor finansiranja	Vrijednost (KM)
1.	Nabavka šadrvana	Općina Centar Sarajevo	5.000,00
2.	Nabavka opreme za vešeraj	Općina Centar Sarajevo	14.215,50
3.	Nabavka strojeva, uređaja i alata	Ministarstvo pravde i uprave Kantona Sarajevo	3.973,24

*
*

*
*

*
*

Javna ustanova Terapijska zajednica - Kampus Kantona Sarajevo



Public Institution Therapeutic Community - Kampus of Canton Sarajevo

4.	Nabavka poljoprivrednih strojeva	Ministarstvo pravde i uprave Kantona Sarajevo	1.995,00
----	----------------------------------	---	----------

Sva dodijeljena sredstva utrošena su isključivo za odobrene namjene, u skladu sa zaključenim ugovorima, finansijskim planovima i važećim propisima. Realizacijom ovih projekata unaprijeđeni su uslovi rada zaposlenika, povećan kvalitet usluga koje Ustanova pruža korisnicima, te dodatno osnaženi kapaciteti za provođenje terapijskih, rehabilitacijskih i radno-okupacionih aktivnosti.

3. Planirane investicije, sanacije, rekonstrukcije i nabavke opreme za 2027. godinu

Imajući u vidu starost objekata, svakodnevno korištenje infrastrukture, povećane potrebe korisnika, kao i obavezu održavanja sigurnih i funkcionalnih objekata, JU Terapijska zajednica – Kampus Kantona Sarajevo smatra neophodnim da se u Budžetu Kantona Sarajevo za 2027. godinu planiraju sredstva za realizaciju prioriternih kapitalnih ulaganja.

Predlaže se da se prioritetno planiraju sredstva za sljedeće projekte:

Redni broj	Planirana investicija
1.	Rekonstrukcija krovova objekata
2.	Sanacija balkona
3.	Rekonstrukcija sistema videonadzora
4.	Rekonstrukcija kuhinje i trpezarije za korisnike
5.	Rekonstrukcija i sanacija magacinskih prostora
6.	Rekonstrukcija vanjske i unutrašnje rasvjete
7.	Rekonstrukcija velikog šadrvana
8.	Rekonstrukcija i sanacija kupatila
9.	Ograđivanje kompleksa čeličnom ogradom i panelima u ukupnoj dužini od približno 1.400 metara

OBRAZLOŽENJE POTREBE ZA REALIZACIJOM KAPITALNIH INVESTICIJA I INFRASTRUKTURNIH PROJEKATA

JU Terapijska zajednica – Kampus Kantona Sarajevo

JU Terapijska zajednica – Kampus Kantona Sarajevo predstavlja specijalizovanu ustanovu socijalne zaštite koja pruža usluge rehabilitacije, resocijalizacije i psihosocijalne podrške osobama sa problemom ovisnosti o psihoaktivnim supstancama. Specifičnost djelatnosti koju Ustanova obavlja zahtijeva adekvatne prostorne, tehničke i sigurnosne uslove, kako bi se korisnicima omogućio kvalitetan boravak i provođenje planiranih terapijskih programa.

Javna ustanova Terapijska zajednica - Kampus Kantona Sarajevo



Public Institution Therapeutic Community - Kampus of Canton Sarajevo

S obzirom na činjenicu da se objekti Ustanove koriste dugi niz godina, kontinuirana eksploatacija, nepovoljni vremenski uslovi i prirodno habanje građevinskih elemenata doveli su do potrebe za izvođenjem značajnih sanacionih i rekonstrukcijskih radova.

Realizacija navedenih projekata predstavlja neophodan korak u očuvanju imovine Kantona Sarajevo, produženju vijeka trajanja objekata, poboljšanju uslova boravka korisnika, povećanju sigurnosti i usklađivanju prostora sa savremenim standardima funkcionisanja ustanova socijalne zaštite.

1. Rekonstrukcija krovova objekata Ustanove

Postojeći krovni sistemi na objektima JU Terapijska zajednica – Kampus Kantona Sarajevo nalaze se u nezadovoljavajućem tehničkom stanju usljed dugogodišnje upotrebe i izloženosti različitim atmosferskim uticajima.

Na pojedinim dijelovima krovnih konstrukcija evidentirana su oštećenja drvene građe, dotrajalost crijepa, narušena vodonepropusnost i pojava prokišnjavanja. Posljedice ovakvog stanja ogledaju se u prodoru atmosferskih voda u unutrašnjost objekata, pojavi vlage, oštećenju zidnih i plafonskih površina, kao i mogućem ugrožavanju opreme i uslova boravka korisnika.

Postojeće stanje zahtijeva sveobuhvatnu rekonstrukciju krovova koja bi obuhvatila:

- demontažu dotrajalog i oštećenog crijepa;
- zamjenu oštećene krovne građe;
- sanaciju i ojačanje krovne konstrukcije;
- postavljanje odgovarajuće zaštite od prodora vode;
- zamjenu i sanaciju pratećih elemenata krova.

Realizacijom ove investicije osigurala bi se dugoročna zaštita objekata, smanjili troškovi budućih intervencija i značajno unaprijedili uslovi korištenja prostora.

2. Sanacija i rekonstrukcija balkona objekata

Balkoni na objektima Ustanove predstavljaju konstruktivne elemente koji su direktno izloženi atmosferskim uticajima i zahtijevaju posebnu pažnju u pogledu hidroizolacije i zaštite.

Zbog dugogodišnjeg korištenja došlo je do oštećenja završnih slojeva, narušavanja hidroizolacione zaštite i pojave prodora vode u prostorije koje se nalaze neposredno ispod balkona.

Nastanak vlage i oštećenja unutrašnjih površina negativno utiče na građevinsko stanje objekata i stvara dodatne troškove održavanja.

Potrebno je izvršiti kompletnu sanaciju balkona koja uključuje:

*
*

*
*

*
*

Javna ustanova Terapijska zajednica - Kampus Kantona Sarajevo



Public Institution Therapeutic Community - Kampus of Canton Sarajevo

- uklanjanje dotrajalih završnih slojeva;
- izvođenje nove hidroizolacije;
- sanaciju podloga i betonskih elemenata;
- postavljanje odgovarajućih završnih obloga;
- zaštitu konstrukcije od daljeg propadanja.

Ovom investicijom bi se osigurala zaštita objekata i spriječila dalja građevinska oštećenja.

3. Rekonstrukcija sistema videonadzora

Postojeći sistem videonadzora u JU Terapijska zajednica – Kampus Kantona Sarajevo je zastario, tehnički prevaziđen i ne omogućava adekvatan nivo sigurnosnog nadzora nad kompletnim prostorom Ustanove.

Imajući u vidu da se Ustanova nalazi na izdvojenoj lokaciji, sa velikim kompleksom objekata i vanjskih površina, savremen i funkcionalan sistem videonadzora predstavlja jedan od osnovnih elemenata sigurnosti.

Postojeći sistem ne omogućava dovoljan kvalitet snimanja, adekvatno praćenje kritičnih tačaka niti pouzdanu zaštitu imovine i korisnika.

Neophodno je izvršiti:

- zamjenu postojećih kamera;
- instalaciju savremenog sistema digitalnog nadzora;
- unapređenje prostora pokrivenog videonadzorom;
- ugradnju opreme za pohranu i pregled snimaka.

Realizacijom projekta povećao bi se stepen sigurnosti korisnika, zaposlenika, objekata i imovine Kantona Sarajevo.

4. Rekonstrukcija kuhinje i trpezarije za korisnike

Kuhinjski prostor i trpezarija predstavljaju jedan od najvažnijih segmenata svakodnevnog funkcionisanja Ustanove, budući da se u njima svakodnevno pripremaju i serviraju obroci za korisnike.

Usljed višegodišnje intenzivne upotrebe, postojeći prostor je značajno dotrajavao i zahtijeva kompletnu adaptaciju.

Poseban problem predstavlja stanje podnih i zidnih obloga, radnih površina i druge opreme, gdje su usljed dugotrajnog korištenja nastala oštećenja koja otežavaju održavanje higijenskih standarda.

Potrebno je izvršiti:

*
*

*
*

*
*

Javna ustanova Terapijska zajednica - Kampus Kantona Sarajevo



Public Institution Therapeutic Community - Kampus of Canton Sarajevo

- renoviranje kuhinjskog prostora;
- zamjenu dotrajalih podnih i zidnih obloga;
- sanaciju instalacija;
- zamjenu oštećenih elemenata;
- unapređenje funkcionalnosti prostora.

Investicija će doprinijeti poboljšanju higijenskih uslova, sigurnosti pripreme hrane i kvalitetnijem boravku korisnika.

5. Rekonstrukcija i sanacija magacinskih prostora

Magacinski prostori Ustanove suočavaju se sa ozbiljnim problemom prodora podzemnih voda, što dovodi do pojave vlage i povremenog plavljenja prostora.

Takvo stanje predstavlja rizik za skladištenu robu, prehrambene proizvode, opremu i drugu imovinu Ustanove.

Neophodno je izvršiti:

- sanaciju hidroizolacije;
- zaštitu objekta od prodora podzemnih voda;
- građevinske radove na oštećenim površinama;
- prilagodavanje prostora savremenim uslovima skladištenja.

Realizacija projekta omogućila bi sigurnije i kvalitetnije upravljanje materijalnim resursima Ustanove.

6. Rekonstrukcija vanjske i unutrašnje rasvjete

JU Terapijska zajednica – Kampus Kantona Sarajevo nalazi se na izdvojenoj lokaciji izvan urbanog područja, gdje postojeći sistem vanjske rasvjete nije dovoljan za potrebe sigurnog funkcionisanja kompleksa.

Nedovoljna osvijetljenost prostora posebno predstavlja problem u noćnim satima, kada je otežano praćenje kretanja korisnika, nadzor nad objektima i pravovremena reakcija u slučaju potrebe.

Potrebno je izvršiti:

- postavljanje dodatnih rasvjetnih tijela;
- modernizaciju postojećeg sistema;
- osvijetljavanje kritičnih tačaka u krugu Ustanove;
- unapređenje energetske efikasnosti.

Na ovaj način bi se značajno unaprijedio nivo sigurnosti i kontrole prostora.

*
*

*
*

*
*

Javna ustanova Terapijska zajednica - Kampus Kantona Sarajevo



Public Institution Therapeutic Community - Kampus of Canton Sarajevo

7. Rekonstrukcija velikog šadrvana

Veliki šadrvan predstavlja značajan prostor koji korisnici koriste za zajedničke aktivnosti, odmor i provođenje terapijskih sadržaja na otvorenom.

Zbog dugogodišnje upotrebe došlo je do propadanja drvene konstrukcije, pojave truleži i oštećenja zaštitnih premaza.

Potrebno je izvršiti:

- zamjenu dotrajale drvene građe;
- sanaciju konstrukcije;
- zaštitu drveta;
- kompletno farbanje i završnu obradu.

Obnovom ovog prostora omogućilo bi se sigurnije i kvalitetnije korištenje prostora za potrebe korisnika.

8. Rekonstrukcija i sanacija kupatila

U prethodnim godinama Ustanova je izvršila djelimičnu rekonstrukciju određenog broja sanitarnih prostora, međutim dio kupatila još uvijek zahtijeva kompletnu sanaciju.

S obzirom na broj korisnika i specifičnost djelatnosti, održavanje visokog nivoa higijenskih standarda predstavlja jedan od osnovnih prioriteta.

Potrebno je završiti preostale radove koji uključuju:

- zamjenu dotrajalih sanitarnih elemenata;
- obnovu keramike;
- sanaciju vodovodnih i kanalizacionih instalacija;
- uređenje prostora prema savremenim higijenskim standardima.

9. Ograđivanje kompleksa čeličnom ogradom i panelima

Kompleks JU Terapijska zajednica – Kampus Kantona Sarajevo prostire se na velikoj površini, a postojeća zaštita prostora nije dovoljna za potrebe sigurnog funkcionisanja.

Poseban problem predstavlja ulazak divljih životinja u krug Ustanove tokom noćnih sati, čime se ugrožava sigurnost korisnika i zaposlenika, ali i nastaju značajne materijalne štete na poljoprivrednoj proizvodnji koju Ustanova koristi u okviru radno-okupacionih aktivnosti korisnika.

Radi zaštite imovine Kantona Sarajevo potrebno je izvršiti ograđivanje kompletnog kompleksa čeličnom ogradom i panelima u približnoj dužini od 1.400 metara.

Javna ustanova Terapijska zajednica - Kampus Kantona Sarajevo



Public Institution Therapeutic Community - Kampus of Canton Sarajevo

Realizacijom ovog projekta:

- povećala bi se sigurnost kompleksa;
- spriječio bi se nekontrolisan ulazak životinja i drugih lica;
- zaštitila bi se imovina Kantona Sarajevo;
- unaprijedili bi se uslovi za provođenje aktivnosti korisnika.

S poštovanjem,



Amir Mehinović